



UNIVERSITÄTS-
BIBLIOTHEK
PADERBORN

Annvæ Provinciæ Sardiniaë. Anno M.DC.LII.

[urn:nbn:de:hbz:466:1-67908](https://nbn-resolving.org/urn:nbn:de:hbz:466:1-67908)

redundare posse videret, id ille lubens in se ultro inclinaret, derivaretq;

26. P. JOANNEM HOFFMAN Molshemij Calendis Novemb: hydrops longior suffocavit, morum, ac docendi, missionumq; gratia eximie commendatum.

ANNVÆ PROVINCIÆ
SARDINIÆ. ANNO
M.DC.LII.

§. I. *Novum Collegium.*

1. **D**Ucentos & quinq; Socios hoc anno pluribus gloriose confatali aluit Sardinia Provincia: cui etiam superatis tandem difficultatibus novum Olienense Collegium accessit, Angelo Salis, perillustri viro fundatore; connitente quoq; varia qua primariorum qua plebejorum liberalitate. In primo fere hujus Collegij seu flore, seu fructu, sunt multæ Virgines, quæ auditis pudicitia ac Sponsi JESV laudibus, immortalis Sponsum præoblatis connubijs elegerunt; non paucis etiam è Scholasticâ juvenute religiosæ vitæ tirocinio transcriptis.

§. 2. *Concionum fructus.*

2. **C**oncionum ardor multos ad Sacramenta

menta & rite, & frequenter obeunda succendit. Fuit, quam iudicij decretorij horrenda descriptio ab obsceno Sacrilegio ad lachrymas, ad sancta vitæ melioris decreta, deniq; ad vovendam perpetuam castitatem adduxit. Aliæ castissimis lachrymis, inediâ, solitudine, voto puritatis in occasione matrimonij lautioris emissio testatur, quales in eadem concione animos, qualem æternorum æstimationem hauserit, ac retinuerit.

§. 3. *De Beatissima DEI Matre.*

3. Quædam, quæ fidelem confessarij dũctum sequitur, & altioribus semper imminet virtutis eximiæ incrementis, dæmonem vidit habitu terribissimi Æthiopsis, mille verborum aucupia, & illecebrarum tendiculas suæ pudicitia intervertendæ tendentem. Sed cum propudium illud vehementissime averfaretur, dæmon blandimenta in verbera convertit, ac fustibus male habitam humifusam inter dolores reliquit, & abiit. Sed adfuit vultu ad amabilem hilaritatem composito fideli clienti suæ Beatissima Virgo Mater, & jacentem, num se nosset, interrogat. Affirmantem, omni dolore absterfo viribus exemplo restituit; & admirabilibus solatijs perfusam benigne monuit in hæc verba:

verba: *Ne timeas immanem istam belluam.*
Ita DEO placet, ut te ad meritorum lucrum exerceat. Cum iterum adfuerit, totam te *mibi committe: & ego te tuebor.* In Calaritano quoq; Seminario præcipuâ quadam religione curatur, ut colatur DEIPARA: cujus ope dicuntur duo in Societatem asserti.

§. 4. *Nomina defunctorum.*

4. In Ecclesiensi Collegio vitam exiit
 3. Kal: Novemb: P. ANTIOCHVS CORDA,
 præter paupertatis laudem insignem, verè
 animarum amator, præcipue quas omni ope
 destitutas, non erat alius qui iuaret.

5. At huic Provinciæ gloriosarum annua-
 rum loco fuit charitas, & ij qui morte feli-
 ci animas in tantâ luis grassantis calamita-
 te pro fratribus posuere. E Collegio Ca-
 laritano hac viâ gloriæ tres Sacerdotes ad
 DEVM abiere. P. AVGVSTINVS DESSI,
 P. ANDREAS ARCERI, P. ANTONIVS PI-
 TAO. lue à militibus, quibus in peste ad ani-
 mi & corporis commoda serviebant, haustâ
 perempti. In Collegio vero Alguerensi
 totum prope Collegium se dedit in victi-
 mam charitatis, quando eidem pestilentiæ
 sævienti, ut aliorum servarent animas, se se
 octodecim in holocaustum fortissimæ cha-
 ritatis promptè objecere, pulcherrimâ mor-

te defuncti. Mirus disciplinæ ardor inter hæc exempla exarsit, mira de Societatis fide- li ac forti ad mortem usq; charitate toto Regno elogia spargebantur: cum passim So- cietas, *charitatis victima* vocaretur.

6. Romæ 2 Feb. P. JOANNES HIERONY- MVS ANSALDVS hujus Provinciæ Præposi- tus, ita ut in Sardinia non obscuris argumen- tis fore prædixerat, abiit ad comitium, ut spes optima est, Beatorum. Natus illustri domo anno 1598. 20. Jan: ad Societatem, convolavit fugâ se e domo, cujus primoge- nitus erat, eripiens anno 1613. Toto tyro- cinij tempore silentij violati nunquam reus, per multas dæmonis & carnis insidias sem- per victor, humanorum respectuum despi- cientiâ pro disciplinâ religiosâ retinendâ gloriosus, Deiparæ cultu tener ac solidus. Nec deest testis, cui suam erga Ansaldum li- beralitatem ipsa DEIPARA luculenter expli- cuit, ut alia quædam admirabilitatis & sva- vitatis plena tantisper ad ejus vitæ histori- am remittamus. Rhetoricam, Philosophi- am, Theologiam, sacras literas egregiè per- docuit. Variæ Novitiorum, & aliorum re- ctioni præpositus, voto se adstrinxit, nihil gubernationis admittere, nisi literis ad præpositum Generalem datis, quibus id ex- cularret. Id quod illi semel in declinando
Provin-

Provincialis munere cessit feliciter. Quædam vaticinationi similia, & cælestes favores omitto. Paupertatis custos mirus, per quinque ipsos annos nihil exteriorum vestium mutavit: Castitatem ferè perpetuis turbamentis ab hoste domestico hostiliter oppugnatam, inclementius in carnem sæviens, & prolixè orans propugnavit: Obedientiam coluit difficilium avidam, & ad solos Magistratus imperatos resstantem.

ANNVÆ PROVINCIAE
TOLETANÆ. ANNI
M. DC. LII.

§. I. *De Sacramentorum fructu.*

I. **E** Arum, quæ Complutensi Collegio thesauri instar sunt, Eucharisticarum formarum, ut durat miraculum quod incorruptæ persistent, ita religio latius increbrescit. Habètq; hoc, ut sic dicamus, tanquam ex opere operato, Complutense Collegium, ut à sacratissimis illis augustissimisq; pignoribus, impendiò sentiat in suis eximium singularis virtutis incitamentum, ac aviditatem, nihil tamen attenuatâ per religionem nimiam literariâ disciplinâ.